



27. April 2010

Inatsisartut suleriaasiat § 36 immikkoortoq 1 naapertorlugu Naalakkersuisunut imaattumik apeqquteqarniarpunga.

Naalakkersuisunut Apeqqut:

- **Nunaqarfinni isorliunerusunilu nammineerluni illuliat Illorput 2000 qassit ukioq manna 2010-mi agguaanneqarpat?**
- **Kiisalu inuit qassit nammineerlutik illuliani najugaqartut qassit 2010-mi aserfallatsaaliinissamut aningaasaliiffigineqarpat?**
- **Aammalu ukiut tulliinut illuliassat qassit aningaasaliiffigineqartassappat?**

(Inatsisartunut ilaasortaq Hans Enoksen)

Tungavilersuut:

Matumuuna Naalakkersuisunut apeqqutiginiarpara nunaqarfinni illoqarfinnilu isorliunerusuni najugallit nammineerlutik illorput 2000-mik sananiartut qassit aningaasaliiffigineqarlutik akuerineqarpat? Aammalu inuit qassit nammineerlutik illuliani najugaqartut pitsaangorsaanissamut aserfallatsaaliinissamut, kiisalu kiassaasersornissamut qassit ikiorsiiffigineqarpat?.

Taamatut apeqquteqarninnut pissutigaaara nunaqarfinni illoqarfinnilu isorliunerusuni najugallit aamma inissaqarniarnikkut ajornartorsiuteqarmata, tassami illut nutaanngitsut ilaatigut piiarneqartussaagaluartut suli inigineqarmata ilaatigut ineqartunut peqqinnanngilluinnartumik.

Ilaatigummi illuni mikisunnguani aserfallassimasuni ilaatigut ilaqtariit amerlasuujullutik najugaqatigiittarnerisa kinguneraat inuttut ajornartorsiutinik annertuunik nalaassisarnerit. Aammalu peqqinnissaq eqqarsaatigalugu illersorneqarsinnaanngitsumik atugassaqtitaanerit.

Taamaattumik ersarissumik akineqarnissara kissaatigaara, kiisalu ilanngullugit ukiunut tullernut qanoq aningaasat amerlatigisut nammineerluni illuliassanut pisinissamut atugassiissutigineqassanersut ilanngullugit paaserusuppakka.

Ikinngutinnersumik inuulluaqqusillunga

Hans Enoksen, Siumut